

զայն յառաջին վիճակին, և գրեաց Հէօճճէթս երկից ազգաց հաւասար կատարել զուխտս իւրեանց: Այլ Լատինք յետ ժամանակի դարձեալ սահմանեցին զայն եկեղեցի առանց հրովարտակի, և արդելին անտի զՀայս եւ զՅոյնս. այժմ պահանջեմք ունել զբանալի և դնել սպասս և պատարագել անդ ըստ օրինակի նոցին:

10°. — Հայք ունէին վասն 'ի գիւղն Յովհաննու Ծնընդեան, յանցանել աւուրց եւ ժամանակաց աւերեցաւ 'ի բարբարոսաց, և Հայք չկարացեալ նորոգել զայն թողին 'ի վիճակի իւրում: Եւ 'ի սմին ժամանակի Լատինք միջոց գտեալ տիրեցին այգեաց և ձիթենեաց մնացորդաց շինութեան և հնութեան վանաց. պնդեն եւ հակառակին թէ ընդ ժառանգութեամբ իւրեանց իցէ: Հայք վասն այնր տեղոցն ունին հրովարտակս 'ի Սուլթանաց Եգիպտոսի, եւ ծերունի բնակիչք գիւղին վկայեն ցարդ վասն այնր՝ պահանջեմք զվանս մեր: Փակեցաւ ատեանն:

Նիստ Երրորդ, 'ի Վ Քալիլ պաքր ամսոյ:

Գատաւորք ատեն. որովհետեւ խոստացան Հայք մատուցանել զվաւերական գրեանս վասն խնդրոց Լատինաց, զոր պահանջէին 'ի նոցանէ, Հայք յարուցին զերիս խընդիրս եւս ընդդէմ նոցա. այն է խնդիր Գողգոթայի, Այրին Քառասնից և վանաց Յովհաննու Ծնընդեան: Սակայն այժմ քննեսցին գրեանքն, որ վասն դատին Լատինաց եւ արձանագրեսցին յիւրաքանչիւր կարգի ըստ հրամանի Գաւառապետին և յետ այնորիկ քննեսցին երեքին խնդիրքն:

Հայք մատուցին ժողովոյն զչորս դաշնագիրս, որք էին մարգարէին Արաբացւոց, Օմարայ, Ալիս, և Սալահատտինի, եւ հրովարտակս 20 յՕսմանեան Թագաւորաց, գրեալ կարգաւ յիւրաքանչիւր ժամանակի, և 6 Հէօճճէթս դատարանի. սոքա միայն վասն Գերեզմանին Քրիստոսի, որոց իմաստքն արձանագրեցան. վասն Պատանատեղոցն հրովարտակս 3 և Հէօճճէթս 8. վասն գերեզմանի Ս. Աստուածածնի բաց 'ի հրովարտակացն՝ զորս գրեցաք, մատուցին նաեւ հրովարտակս 3 և Հէօճճէթս 4. վասն Այրին Ծնընդեանն Քրիստոսի, բաց 'ի հրովարտակաց զորս